



第一輯
第七種

據明萬歷本排印
貝葉山房張氏藏版

金瓶梅詞話



蘭陵·笑笑生撰

金瓶梅詞話序

竊謂蘭陵笑笑生作金瓶梅傳。寄意於時俗。蓋有謂也。人有七情。憂鬱爲甚。上智之士。與化俱生。霧散而冰裂。是故不必言矣。次焉者。亦知以理自排。不使爲累。惟下焉者。既不出於於心胸。又無詩書道腴。可以撥遣。然則不致于坐病者幾希。吾友笑笑生爲此。爰罄乎日所蘊者。著斯傳。凡一百回。其中語句新奇。膾炙人口。無非明人倫。戒淫奔。分淑慝。化善惡。知盛衰。消長之機。取報應。輪迴之事。如在目前。始終如脈絡貫通。如萬系迎風而不亂也。使觀者庶幾可以一晒而忘憂也。其中未免語涉俚俗。氣含脂粉。余則曰。不然。鬪雝之作。樂而不淫。哀而不傷。富與貴人之所慕也。鮮有不至于淫者。哀與怨人之所惡也。鮮有不至于傷者。吾嘗觀前代騷人。如盧景暉之剪燈新話。元微之之鶯鶯傳。趙君弼之效顰集。羅貫中之水滸傳。丘瓊山之鐘情麗集。盧梅湖之懷春雅集。周靜軒之秉燭清談。其後如意傳于湖記。其間語句文雅。讀者往往不能暢懷。不至終篇而掩棄之矣。此一傳者。雖市井之常談。閨房之碎語。使三尺童子聞之。如飲天漿而拔鯨牙。洞洞然易曉。雖不比古之集理趣。文墨綽有可觀。其他關繫世道風化。懲戒善惡。濼慮洗心。無不小補。譬如房中之事。人皆好之。人皆惡之。人非堯舜聖賢。鮮不爲所耽富。

貴善良。是以搖動人心。蕩其素志。觀其高堂大廈。雲窗霧閣。何深沉也。金屏綉褥。何美麗也。鬢雲斜暎。春酥滿胸。何嫵媚也。雄鳳雌凰。迭舞何慇懃也。錦衣玉食。何侈費也。佳人才子。嘲風咏月。何綢繆也。雞舌含香。唾圓流玉。何溢度也。一雙玉腕。縮復縮。兩隻金蓮。顛倒顛。何猛浪也。既其樂矣。然樂極必悲生。如離別之機。將興憔悴之容。必見者所不能免也。折梅逢驛使。尺素寄魚書。所不能無也。患難迫切之中。顛沛流離之頃。所不能脫也。陷命於刀劍。所不能逃也。陽有王法。幽有鬼神。所不能遁也。至于淫人妻子。妻子淫人。禍因惡積。福緣善慶。種種皆不出循環之機。故天有春夏秋冬。人有悲歡離合。莫怪其然也。合天時者。遠則子孫悠久。近則安享終身。逆天時者。身名罹喪。禍不旋踵。人之處世。雖不出乎世運。代謝然不經凶禍。不蒙恥辱者。亦幸矣。故吾曰。笑笑生作此傳者。蓋有所謂也。

欣欣子書于明賢里之軒。

金瓶梅詞話序

金瓶梅穢書也。袁石公亟稱之，亦自奇其牢騷耳。非有取於金瓶梅也。然作者亦自有意。蓋爲世戒，非爲世勸也。如諸婦多矣，而獨以潘金蓮、李瓶兒、春梅命名者，亦楚纓杌之意也。蓋金蓮以姦死，瓶兒以孽死，春梅以淫死，較諸婦爲更慘耳。借西門慶以描畫世之大淨，應伯爵以描畫世之小丑，諸淫婦以描畫世之丑婆淨婆，令人讀之汗下，蓋爲世戒，非爲世勸也。余嘗曰：「讀金瓶梅而生憐憫心者，菩薩也；生畏懼心者，君子也；生歡喜心者，小人也；生効法心者，乃禽獸耳。」余友人褚孝秀僧一少年同赴歌舞之筵，衍至霸王夜宴，少年垂涎曰：「男兒何可不如此！」孝秀曰：「也只爲這烏江設此一着耳。」同座聞之，歎爲有道之言。若有人識得此意，方許他讀金瓶梅也不然。石公幾爲導淫宣慾之尤矣，奉勸世人勿爲西門之後車可也。

萬曆丁巳季冬東吳弄珠客漫書於金閶道中。

金瓶梅詞話序

新刻金瓶梅詞話

詞曰

閨苑瀛洲。金谷陵樓。算不如茅舍清幽。野花綉地。莫也風流。也宜春。也宜夏。也宜秋。酒熟堪醜。客至須留。更無榮無辱無憂。退閒一步。着甚來由。但候時眠。渴時飲。醉時謳。

短短橫牆。矮矮疎窗。忙檣兒小小池塘。高低疊翠。綠水邊傍。也有些風。有些月。有些涼。日用家常。竹几藤床。靠眼前水色山光。客來無酒。清何妨。但餉烹茶。熱烘盞。燄澆湯。

水竹之居。吾愛吾廬。石磷磷。床砌增除。軒窗隨意。小巧規模。却也清幽。也瀟灑。也寬舒。懶散無拘。此等何如。倚闌干。臨水觀魚。風花雪月。贏得工夫。好炷心香。說些話。讀些書。

淨掃塵埃。惜耳蒼苔。任門前紅葉舖階。也堪圖畫。還也奇哉。有數株松。數竿竹。數枝梅。花木栽培。取次教開。明朝事天自安排。知他富貴幾時來。且優游。且隨分。且開懷。

四詞貧

酒

酒損精神破喪家。語言無狀鬧喧譁。疎親慢友多由你。肯義忘恩盡是他。切須戒飲流。

賈若能依此實無差失却萬事皆因此今後逢賓只待茶

色

休愛綠髻美朱顏少貪紅粉翠花鈿損身害命多嬌態傾國傾城色更鮮
莫戀此養丹
田人能寡慾壽長年從今罷却閒風日紙帳梅花獨自眠

財

錢帛金珠籠內收若非公道少貪求親朋道義因財失父子懷情爲利休
急縮手且抽
頭免使身心晝夜愁兒孫自有兒孫福莫與兒孫作遠憂

氣

莫使強梁逞技能揮拳裸袖弄精神一時怒發無明穴到夜憂煎禍及身
莫太過免災
逆勸君凡事放寬情合撒手時須撒手得饒人處且饒人

跋


金瓶梅傳爲世廟時一鉅公寓言。蓋有所刺也。然曲盡人間醜態。其亦先師不刪鄭衛之旨乎。中間處處埋伏因果。作者亦大慈悲矣。今後流行此書。功德無量矣。不知者竟目爲淫書。不惟不知作者之旨。併亦窺却流行者之心矣。特爲白之。

廿公書


金瓶梅詞話




老 王 婆 茶 坊 說 技




赴巫山潘氏幽歡



捉奸情鄆哥設計



飲 鳩 藥 武 大 遭 殃



舅四張罵氣娘姑楊



西門慶梳籠李桂姐



李瓶兒迎奸赴會